

精校冷廬醫話

千頃堂書局  
印行



陸定圃先生著

冷廬醫話

王獻廷著



民國五年冬月

千頃堂書局印



冷廬醫話自序

醫理至深豈易言哉抑自軒岐以來代不乏人既已詳且盡矣又奚待言矧余小子學疏識庸莫究要妙不亦可已於言乎雖然言必窮乎理之奧則誠不能以幾及若惟撫拾聞見以自達其意之所欲云又何必不言於是涉獵之餘隨筆載述聊以自娛意淺而辭瑣殆所謂言之無文者歟夫言之不能文猶之可也言而或悖於理則言適足以招尤矣是用不敢晦匿求當代君子教正焉

咸豐八年十二月陸以湑書於杭州學解之冷廬



# ● 仙佛真傳 ●

求仙學佛之書歷來不可勝數而直指真詮不為譬喻惟柳華陽禪師金仙証論慧命真經二書最切當學者能於此兩編研究精深貫通會要庶于仙佛兩度由藩籬為門戶以企至于入室升堂不難矣茲用潘刻重付石印每部二冊定價洋四角

# ● 醫學津梁 ●

每部四冊  
定價洋六角

此書乃明王肯堂先生著原名醫鏡崇禎間蔣氏刊行列入清四庫提要陸氏冷廬醫話言此書之難覓而此本又為康熙間名醫岳氏刪訂改名醫鏡刪補歸安縣志載入藝文其稿未刻至先緒間江浦陳珠泉先生得其手稿重加校訂特更今名今持從陳君處借得付印因點悉照原書條分縷晰淺顯易知不特學醫者所必備抑居家衛生之寶笈也

# ■ 賦學入門 ■

近時公牘及私家文字用四六者甚多作四六之法與作賦之門徑相通此書羅列做賦各法自淺入深各有程式清奇濃淡不名一格學者手此一編不但作賦之門徑亦研究四六之助也每部二冊定價洋四角

# ▲ 中西醫粹 ▲

本天人合一之理以談醫考脈絡臟腑之象以繪圖遵內經仲景之法而治病採中西醫士之說而立論

孚華書局啓

上海圖書館藏書

冷廬醫話目錄

卷一

醫範

醫鑑

慎疾

保生

慎藥

求醫

診法

脈

用藥

卷二

古人

今人

古書

今書

卷三

形體

中風

傷寒

陰症陽症

暑

暑風



霍亂轉筋

熱

熱入心胞

疫

痧

瘧

三陰瘧

痢

瀉

疝

咳嗽

噎

吐

頭痛

脇痛

腹痛

肝病

七情

不寐

卷四

吐血

諸血

汗

疸

腫

消



傷食

邪祟

癘

耳

目

喉

舌

齒

腿

雜病

婦科

胎產

乳

卷五

幼科

痘

疳

外科

疔

鍼灸

藥品

食忌

酒

鴉片煙

雜方

質正





冷廬醫話卷一

桐鄉 陸以湑 定圃氏著

醫範

徐氏醫統云古醫十四科中有脾胃科而今亡之矣道藏經中頗有是說

宋元以來止用十三科考醫政其一為風科次傷寒科次大方脈科次婦

人胎產科次鍼灸科次咽喉口齒科次瘡瘍科即外科次正骨科次金鏃科

次養生科即今修養家導引次祝由科經曰移精變氣者可祝由而國朝

亦惟取十三科而已其脾胃一科終莫之續類經云醫術十三科曰大方

脈曰婦人曰傷寒曰瘡瘍曰鍼灸曰眼曰口齒曰咽喉曰接骨曰金鏃曰

按摩曰祝由今按摩祝由失其傳二說微不同而太醫院所設十三科則

與類經之說同詳見明史余接近有專業耳科者是又在諸科之外矣

錢塘明醫金潤寰瑩珂治極難險症從容處之常云古之名醫者曰和曰

緩倉遠矣為耶此語可為俗醫鍼砭五世之醫北齊有徐之才元有危亦

林



國朝有陳治華亭人三世之醫宋張杲陳自明倪維德陸士龍為最著近代

亦多世其業者青浦北韓山何自元至今已二十四世矣

張子和云古人以醫為師故醫之道行今以醫譬奴故醫之道廢有志之

士恥而不學病者亦不擇精粗一概待之常見官醫迎送長吏馬前唱喏

真可羞也由是博古通今者少而師傳遂絕吁醫官馬前唱喏乃以為可

羞乎今之官趨承上司可羞之端更有甚於此者而況於醫乎山陰陳戴

庵為其邑令治病獲瘳將薦之上司使為醫官於郡中力辭將著之勳籍

使棄醫而為官又力辭此真過人遠矣

醫人每享高齡約略數之如魏華陀年百餘吳普九十餘晉葛洪八十一

北齊徐之才八十北周姚僧垣八十五許智莊八十唐孫思邈百餘甄權

百三孟詵九十三宋錢乙八十二金李慶嗣八十餘成無己九十餘元朱

震亨七十八明戴原禮八十二汪機七十七張介賓七十八近代徐靈胎

大椿七十九葉天士桂八十蓋既精醫學必能探性命之旨審頤養之宜

而克葆天年也



葉天士治金某患嘔吐者數年用泄肝安胃藥年餘幾殆徐靈胎診之謂是蓄飲為製一方病立已

見徐批臨症指南

薛生白治蔡輔宜夏日自外歸一

不起氣息奄然口目皆閉六脈俱沈少妾泣於傍親朋議後事謂是痰厥不必書方且以獨參湯灌眾相顧莫敢決有符姓者常熟人設醫肆於楓橋因邀之入視符曰中暑也參不可用當服清散之劑眾以二論相反又相顧莫敢決其塾師馮在田曰吾聞六一散能祛暑邪盍先試之皆以為然即以葦管灌之果漸蘇符又投以解暑之劑病即霍然

見徐晦堂聽雨軒雜記

夫

葉薛為一代良醫猶不免有失況其他乎知醫之不可為矣然如符姓素無名望而能治良醫誤治之疾則醫固不可為而可為也

震澤吳曉鈺茂才

劍森

言乾隆某年吳門大疫郡設醫局以濟貧者諸名

醫日一造也有更夫某者身面浮腫徧體作黃白色詣局求治薛生白先至診其脈麾之去曰水腫已劇不治病者出而葉天士至從肩輿中遙視之曰爾非更夫耶此熱驅蚊帶受毒所致二劑可已遂處方與之薛為之失色因有婦葉莊踏雪齋之舉二人以盛名相軋蓋由於此其說得之吳

中老醫顧某顧得之於其師其師蓋目擊云

徐靈胎名醫不可為論謂名醫聲價甚高輕證不即延治必病勢危為醫皆束手然後求之於是望之甚切責之甚重若真能操人生死之權者如知病之必死示以死期而辭去猶可免責若猶有一線生機用輕劑以塞責致病人萬無生理則於心不安用重劑以背城一戰萬一有變則謗議蜂起前人誤治之責盡歸一人故名醫之治病較之常醫倍難此蓋現身說法猶為真名醫言也若獲虛名之時醫既無實學又切貪心凡來求診無不診視其以重幣招致者臨證猶或詳慎鄰近里閭之間尋常酬應惟求迅速了事漫不經心余昔一弟一子皆為名醫誤藥而卒弟以瀨中秋次日惡寒發熱誤謂冒寒用桂枝葛根防風等味致內陷神昏不知實伏暑證也子寶章內風證誤謂外風而用全蠍干黃等味致變由於匆匆診視不暇細審病情也是以為名醫者當自揣每日可診幾人限以定數苟逾此數今就他醫庶幾可從容診疾盡心用藥不至誤人性命

楊州府志謂鄭重光之醫克紹吳普許叔微之脈其不在滑壽下江都縣志以入篤行傳儀徵續志雖入方技而但以泛辭譽之太史公為扁鵲司

馬季主作傳必詳述其技蓋人以技傳不詳其技不如不錄其人也此論最合著述之要近代文人為醫家作傳往往以虛辭稱揚不能歷敘其治驗即敘治驗而不詳方案皆未知紀述之體裁也

王葑亭先生

友亮

作葉天士小傳謂年十二至十八凡更十七師聞某人

善治某證即往執弟子禮甚恭既得其術輒棄去故能集眾美以成名善哉轉益多師是我師藝之精不亦宜乎

紹興府志載山陰金太常蘭之祖

輅

精保嬰術終身不計財利不避寒暑

不先富後貧越俗醫家多出入肩輿輅年八十餘猶步行曰吾欲使貧家子稍受半襁惠耳又山陰孫燮和志切救世專精岐黃就醫者不論貧富詳審精密檢閱方書幾廢食寢此皆可以為醫者法也

醫非博物不能治疑難之症略舉二事以證之粵東呂某女為後母尹氏所忌佯愛之親為濯衣潛以樟木磨如粉入米漿糊女衣袴女服之搔痒不止全身浮突酷類麻瘋延醫療治經年不瘳問名者絕踵不至將送入瘋林呂不忍復請名醫程某治之程察脈辨色見其面無濁痕手搔肌膚

不輟曰此必衣服有毒所致令取其衣滌之漿澄水底色黃黑而味烈程  
曰樟屑春粉壞人肌肉所致此必為浣衣者所藥非瘋也棄其衣勿服病  
自可已如其言果然呂詢得其情遂出尹氏事見東莞歐蘇雷樓騰覽余戚王氏女徧  
體紅瘰痛癢不已飲食為減延醫視之以為瘡也治數旬不愈後延名醫  
張夢廬治之審視再四曰此必為壁蝨所咬毋庸醫也歸閱帳枕等檢棄  
壁蝨無數果得瘳

### 醫鑑

臨海洪虞鄰南沙文集曰余家有經紀人勞苦嘔血數升延醫視之用川  
連人參大黃余詰之曰既補矣又瀉之何也答曰古方所制者因穢血未  
淨故瀉之余曰是速之死也即命勿藥老米粥厚滋味令寢食數日不一  
旬而強健如故蓋勞苦之人未嘗享有飲食之美數晨夕之安得此勝於  
良藥多矣其愈也固宜又有輿夫素無疾忽腰痛肚飽不食醫進以大補  
藥其夜腰痛益甚腹大氣喘且死翌日醫復視之曰此中鬼箭也藥物無  
所施亟宜禳遣余歎曰奈何嫁罪於鬼哉是中寒傷食者飲以祛寒化食

兩大劑第三日其人擡轎如故書之以告世之誤信庸醫者不深究醫理醫由於不諳方書不能不求受人作俾人以致該事而不自知也

吳郡某醫得許叔微傷寒九十論奉為秘本見其屢用麻黃湯適治一女  
子熱病無汗謂是足太陽表證投以麻黃服之汗出不止而殞蓋南人少  
真傷寒凡熱病無汗以紫蘇葱白豆豉薄荷等治之足矣豈可泥古法乎  
朱子暮年腳氣發作俞夢達薦醫士張修之診視云須略攻治去其壅滯  
方得氣脈流通先生初難之張執甚力遂用其藥初製黃耆粟殼等服之  
小效遂用巴豆三稜莪朮等藥覺氣快足輕向時遇食多不下膈之病皆  
去繼而大腑又秘結再服溫白丸數粒臟腑通而泄瀉不止矣黃芽歲丹  
作大劑投之皆不效遂至大故蔡九峯夢葬記詳載之觀此知高年人治  
病慎不可用攻藥也

祥符縣醫生胡某操技精良當道皆慕名延致都督某之女與人私偶感  
寒疾招胡診之胡謂此孕脈也某曰先生之言信乎胡曰非識之真不敢

妄言也某乃呼女出以刀剖其腹視之信然胡大駭暈仆良久始甦歸病

數月即卒胡之藝工矣惜乎其不知顧忌也先祖秋畦公宰密縣時論知

為以活言之

近世醫者能讀內經鮮矣更有妄引經語致成笑端者如治不得寐引半

夏秫米湯覆杯則卧云是厭勝之法令病者服藥後覆盞几上謂可安卧

治脚疔引膏梁之變足生大疔以為確徵不知足者能也非專指足而言

又有治瘰癧證以陰氣先傷陽氣獨發為己任編之言蓋未讀內經金匱

第見己任編有是語耳疏陋若此乃皆出於懸壺而知名者也

醫貴專門歛吳章侯太守端甫攢花易簡良方中勸行醫說言之甚為切

至特錄之古法行醫各有專科近見懸壺之輩往往明日出道今日從師

牌書內外兩師傳授甚至兼治痧痘咽喉探其根底一無擅長不過取門

數之多以博錢財抑知賦質有限何能兼善病者不知恆被貽誤曾見有

人患風痧醫視為漆咬而誤用清藥又有患火焰疔者醫視為熱瘡而誤

用發散諸品幾致不治此皆不專門故也可不慎哉





蘇州曹某狀修偉多髯醫名著一時而聲價自高貧家延請每不至巨室  
某翁有女待年閨中因病遣僕延曹僕素憎曹給以女已出嫁令孕數月  
矣吳俗大家婦女避客醫至則於床幃中出手使診曹按女脈漫云是孕  
翁大駭異次日延醫至使其子偽為女診之復云是孕其子褻幃啟袴視  
之曰我男也而有孕乎誣我猶可誣我妹不可恕也叱僕毆之并飲以糞  
跪泣求免乃薙其髯以粉筆塗其面縱之去歸家謝客半載不出聲望頓  
衰太湖濱瘍醫謝某技精藥良而居心貪譎往往乘人之急以為利隣村  
某農母患疽求治以其貧拒之疽潰遂死某憤甚謝有拳勇數十人不能  
近某持刀伏榴間伺其出突起刺其腰謝以所製藥敷治將痊怒某之刺  
已也亟愬之縣循例擡驗縣官揭其衣用力重衣開皮裂冒風復潰而卒  
某按律抵罪後遇赦得生此二人醫術皆良乃一則以傲敗名一則以貪  
傷身皆可為戒故並誌之

徐靈胎慎疾窮言曰少時見前輩老醫必審貧富而後用藥尤見居心長  
厚況是時參價尤賤於今日二十倍尚如此謹慎即此等存心今日已不